

ACTA DA XUNTA DE GOBERNO LOCAL
Sesión extraordinaria e urxente do 8 de xuño de 2012

ASISTENTES:

Membros :

D. Abel Caballero Álvarez
D. Carlos López Font
D^a M^a Jesús Lago Rey
D^a. Raquel Díaz Vázquez
D. Cayetano Rodríguez Escudero
D. Santos Héctor Rodríguez Díaz

NON ASISTEN:

D^a M^a Carmen Silva Rego
D^a. M^a Isaura Abelairas Rodríguez
D. José Manuel Fernández Pérez
D. Angel Rivas González

Invitado:

D. David Regades Fernández (non asistíu).

Na Casa do Concello de Vigo, ás 14,00 horas do día oito de xuño de dous mil doce e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Lago Rey, constitúese a Xunta de Goberno Local desta Corporación co obxecto de realizar sesión EXTRAORDINARIA E UXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña, o interventor xeral, Sr. García Alvarez, e a titular da Asesoría Xurídica, Sra. Parajó Calvo.

A Xunta de Goberno Local adopta os seguintes acordos:

1(671).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(672).- CLASIFICACIÓN DAS OFERTAS PRESENTADAS PARA A EXPLOTACIÓN DOS SERVIZOS DE TEMPORADA NAS PRAIAS ANO 2012. EXPTE. 8249/306.

Examinadas as actuacións do expediente, visto o informe proposta do Secretario da Mesa de Contratación, de data 8.06.2012, a Xunta de Goberno Local acorda:

A vista das actuacións da Mesa de Contratación celebradas os días 01-06-2012, 05-06-2012 e 08-06-2012 e o informe dos Arquitectos Municipais D. Juan Luis Piñeiro Ferradás e David Carvajal Rodríguez Cadaso de data 05 de xuño de 2012, por unanimidade dos asistentes, se propón á Xunta de Goberno Local, na súa calidade de órgano de contratación (disposición adicional 2º LCSP), a adopción do seguinte acordo:

“Primeiro: Tomar coñecemento do acordo da Mesa de Contratación celebrada o día 05-06-2012 polo que se excluiu a oferta presentada por D.LUIS SANTIAGO CILADI por non presentar a garantía provisional.

Segundo.- Clasificar, de acordo cos criterios de adxudicación sinalados no prego, as proposicións admitidas no procedemento aberto para a adxudicación dos servizos de tempada nas praias no ano 2012 (exped 8249-306), no seguinte orde decrecente:

Lote 1 (Quiosco areal de a Guía e quiosco nº 9 do areal do Vao)

1ª	La Caleta Forever, S.L.	24.011 euros
2ª	Flamingo Vigo, S.L.	19.011 euros.
3ª	Marta Lorenzo Barrera	15.507,20 euros.

Lote 2 (Quiosco areal de Santa Baia-Alcabre)

1ª	La Caleta Forever, S.L.	5.011 euros
2ª	Flamingo Vigo, S.L.	2.511 euros.

Lote 3 (Quiosco nº 4 areal Tombo do Gato)

1ª	Marta Lorenzo Barrera	12.603,30 euros
2ª	Obdulia Lastra Francisco	12.460,22 euros.
3ª	Luz Divina Fontán	9.458,99 euros.
4ª	Senén Robles Pérez	2.887,93 euros.

Lote 4 (Quiosco nº 10 areal do Vao)

1ª	Marta Lorenzo Barrera	9.502,41 euros.
----	-----------------------	-----------------

Terceiro.- Requirit os licitadores clasificados no primer lugar, La Caleta Forever, S.L. E Marta Lorenzo Barrera, para que presenten, no prazo dos dez días hábiles, a contar desde o seguinte a aquel en que recibise o requirimento, a seguinte documentación (artigo 135.2 LCSP):

Declaración responsable de non estar incurso en prohibición de contratar.

Certificacións de acharse ao corrente das súas obrigacións tributarias co Estado, Xunta de Galicia e coa Seguridade Social.

Resgardo da garantía definitiva e, no seu caso, da garantía complementaria esixida.

Cuarto.- Requirit os licitadores clasificados en primeiro lugar o aboamento de 140,00 € por cada un dos lotes en concepto de custe dos anuncios de licitación.

Quinto.- Declarar deserto o lote nº 5 (quiosco no araeal da Etea-Rios) por no se ter presentado licitadores.

Conforme a delegación acordada pola mesa de contratación na súa sesión de data 27-07-2010, o secretario da mesma procederá a formular ó órgano de contratación a proposta de adxudicación do contrato, sempre e cando se cumpran os requisitos de que tanto a

documentación presentada polo licitador clasificado en primeiro lugar como a solicitada de oficio pola administración municipal, fosen correctas”.

3(673).- PROXECTO DE CONVENIO DE COLABORACIÓN ENTRE O CONCELLO DE VIGO E FARO DE VIGO SAU, SOBRE ACCIÓNS DE INTERESE PARA A CIDADE. EXPTE. 8316/101.

Examinadas as actuacións do expediente, visto o informe proposta do técnico de Admón. Xeral e xefe de Protocolo e RR.PP., de data 30.05.2012, conformado pola concelleira de Facenda, co informe da Titular da Asesoría Xurídica do 5.06.2012, e co informe da xefa do Servizo de Fiscalización do 8.06.2012, conformado polo Interventor Xeral, a Xunta de Goberno local acorda:

1. “Aprobar o texto do proxecto de convenio de colaboración entre o Concello de Vigo e Faro de Vigo SAU, sobre accións de interese para a cidade destinadas a amosar os cambios e melloras nos últimos anos na cidade poñendo en valor a mesma, coa finalidade de fortalecela como destino turístico, comercial, social e mercantil; mediante noticias, informacións, cadernos ou separatas de contido esencialmente local, contribuíndo, deste xeito a unha maior implicación da sociedade viguesa.
2. Autorizar o gasto segundo o expresado na cláusula 4ª a favor de Faro de Vigo SAU por unha contía de 200.000 euros con cargo á partida 912.0.227.99.02 “Convenios”: o pago a Faro de Vigo SAU realizarase contra a presentación da memoria de avaliación da programación correspondente as actividades a realizar, presentada antes do día 15 de decembro de 2012, xuntamente coa factura correspondente.”

CONVENIO DE COLABORACION DO CONCELLO DE VIGO E FARO DE VIGO S.A.U PARA CELEBRACIÓN ACTIVIDADES PROMOCIONAIS DA CIDADE

Na cidade de Vigo, o de de

Dunha parte D. ABEL CABALLERO ALVAREZ, Alcalde do Concello de Vigo, CIF P-3605700-H, con domicilio en Vigo, Praza do Rei 2, CP 36202.

Doutra parte D JAIME ABELLA FERNANDEZ, Xerente de Faro de Vigo S.A.U., con CIF A-36.600.815. e enderezo social na rúa Uruguay 10 A da cidade de Vigo.

Ámbalas dúas partes recoñécense mutuamente a capacidade legal necesaria para outorgamento deste convenio, e ao efecto.

EXPOÑEN

Que Faro de Vigo S.A.U pretende acometer unha serie de actividades e accións culturais e publicitarias destinadas a poñer en relieve os cambios e melloras realizadas na cidade a fin de poñer en valor a mesma, coa finalidade de fortalecela como destino turístico, comercial, social e mercantil; amosar o seu apoio ao deporte base da nosa cidade, poñendo en valor os éxitos dos

nosos deportistas, asociacións, clubs deportivos e empresas que apoian ao deporte; e tamén, recoñecer o mérito profesional e persoal como humorista vigués a obra de Fernando Quesada na súa xubilación despois de 50 anos de traballo.

A Alcaldía de Vigo, coñecedora das ditas actividades e accións, desexa promover e colaborar na súa execución.

As dúas partes recoñécense como axentes determinantes da oferta e desenvolvemento cultural da cidade, polo que consideran necesaria a coordinación e participación neste proxecto.

Deste xeito a Alcaldía do Concello de Vigo e Faro de Vigo S.A.U.

ACORDAN

PRIMEIRA.- O presente convenio subscríbese có obxectivo de articular a colaboración do Concello de Vigo con Faro de Vigo SAU nas actividades culturais e publicitarias da imaxe da cidade poñendo en valor a mesma, coa finalidade de fortalecela como destino turístico, comercial, social e mercantil; a amosar o seu apoio ao deporte base da nosa cidade, poñendo en valor os éxitos dos nosos deportistas, asociacións, clubs deportivos e empresas que apoian ao deporte; e tamén, recoñecer o mérito profesional e persoal como humorista vigués a obra de Fernando Quesada na súa xubilación despois de 50 anos de traballo., que figuran na memoria anexa ao presente convenio.

SEGUNDA.- Corresponderalle á Faro de Vigo S A U todo o referente á planificación e organización das actividades desenvolver.

TERCEIRA.- Faro de Vigo S A U organizará a oportuna campaña de Prensa , publicidade e merchandasing en Faro de Vigo , Radio e TV a fin de dar a coñecer e facer chegar a toda a cidadanía as devanditas actividades.

O Concello de Vigo figurará adecuadamente en todas as actuacións publicitarias e de difusión que se realicen nas actividades , aparecendo expresamente có seu logotipo ou anagrama en calidade de colaborador. Faro de Vigo achegará probas deste material con anterioridade á súa impresión para conformidade do Concello de Vigo e o do seu logotipo.

CUARTA.- O Concello de Vigo aportará a este Convenio a cantidade de 150.000 Euros en concepto de colaboración, con cargo a partida 912.0.227.99.02 (Convenios). O pago a Faro de Vigo SAU realizarase contra a presentación da memoria de avaliación da programación correspondente as actividades a realizar, presentada antes do día 15 de decembro de 2012 e a achega dos xustificantes de pago a que se refire a seguinte cláusula.

QUINTA.- Para a tramitación do pago do importe da axuda do presente convenio a Faro de Vigo SAU deberá achegar, ademais da memoria que recolla as actuacións, os seguintes xustificantes acreditativos dos gastos vencellados ao proxecto do presente convenio coas seguintes especificidades:

1. Facturas orixinais que deberán recoller o número de CIF, a data, o número de factura e o IVE. Estes xustificantes quedarán a disposición do Concello de Vigo, neste sentido non se admitirán facturas fotocopiadas ou compulsadas nin aquelas que non reúnan as condicións previstas no RD 1496/2003, polo que se regula o deber de expedir e entregar facturas que incumbe a empresarios e profesionais. Nestas facturas computarase o gasto acreditado, deducindo o IVE, salvo que xustifique que estea exenta de IVE, os xustificantes corresponderán ós gastos relacionados directamente ó obxecto do presente convenio.

2. Cando a entidade solicitante demande a devolución do orixinal presentado para a xustificación, solicitará a través da unidade xestora da tramitación administrativa do expediente o estampillado da factura orixinal.
3. Tamén serán admitidos aqueles gastos vencellados con este convenio que poidan ser xustificados a través de documentos orixinais que xustifiquen o valor probativo do gasto en base á eficacia administrativa do mesmo.
4. En xeral os documentos xustificativos deberán de corresponderse con gastos vencellados de forma directa co obxecto deste convenio, e sen que sexa necesario facer constar de forma expresa se os mesmos foron pagados con anterioridade á finalización do proceso de xustificación determinada neste convenio.
5. Asemade, coa xustificación deberá entregarse unha declaración actualizada sobre a percepción ou non, por parte do beneficiario, doutras axudas para as actividades obxecto deste convenio, así como a indicación do importe e procedencia doutros fondos e recursos cos que fose financiada a actividade.

SEXTA.- O seguimento deste convenio realizarase por unha comisión mixta na que figurarán o concelleiro-delegado de Réxime Interior e o Xerente de Faro de Vigo SAU ou persoas nas que deleguen, así como un representante técnico de ambas entidades.

SÉPTIMA.- O presente convenio terá vixencia ata o 31 de decembro de 2012. O incumprimento dos acordos estipulados neste convenio poderá significar a súa cancelación. Previamente as partes comunicaranse esa intención cunha antelación de 15 días.

OITAVA.- A Xunta de Goberno Local do Concello de Vigo queda facultada para solucionar as controversias derivadas da execución deste convenio e o concelleiro delegado de Réxime Interior para adoptar as medidas que contribúan o seu cumprimento e desenvolvemento,

En proba de conformidade asinan por triplicado exemplar e a un só efecto o presente convenio na data arriba indicada.

E sen ter máis asuntos que tratar, o Sr. presidente rematou a sesión ás 14,05 horas. Como secretaria dou fe.

Am.

A CONCELLEIRA-SECRETARIA
DA XUNTA DE GOBERNO LOCAL,

M^a Jesús Lago Rey.